

Mary Potter Hospice: O le matou tali atu i le Tulafono o le Filifiliga Mo Le Faamutaina O Le Soifua (End of Life Choice Act).

*O lo'o folasia i le fa'amatalaga lenei le tulaga loloto ma le lautele o lo'o atagia mai i le matou fa'alapotopotoga, e aofia ai le 'aufaigaluega, tagata galulue ofofua mai, fa'apea le Komiti Fa'afaoe. O le Te Pou Tautoko, o se vaega fa'atonutonu folau a tagata Māori (e aofia ai ma sui o mana whenua), fa'apea ma sui o la matou Pacific Advisory Group, sa tofu sao uma i le fa'aaliga o finagalo i lenei mata'upu.*

### **O lo matou tulaga.**

O Mary Potter Hospice ma lana auaunaga, e fa'atino i le aga alofa ma le lē fa'alogologo tiga pe fa'asinosinolima le va'aiga o gasegase uma o lo'o matou tausia. E ui matou te lē o saunia se auaunaga fesoasoani mo le fa'amutaina o le soifua, e fa'aaauu pea le tausiga tatau mo gasegase, tusa lava pe ua filifilia le fesoasoani o le fa'amutaina o le soifua pe leai fo'i. Matou te savavali lava ma mulimulita'ia le finagalo o le o lo'o gasegase ma lona aiga, i so latou fa'ai'uga e uiga i le fesoasoani i le fa'amutaina o le soifua. E fa'aaauu pea lava la matou auaunaga lautele talafeagai mo a matou gasegase i so'o se nofoaga o i ai, i le aiga, i le Hospice, po o se nofoaga fa'apitoa mo tausiga o gasegase.

O le sini autu ua ave i ai la matou fa'amuamua, o manaoga ia o gasegase, aua o le ta'iala lea o la matou auaunaga. Matou te fesoasoani fo'i i aiga ma fanau i le matou auaunaga fa'apitoa, e ala i fa'amaisega ma upu fa'amafanafana i taimi o mafatiaga ma fa'anoanoaga ona o le maliu ma le oti. O Mary Potter Hospice fo'i, o lo'o maua ai le tausiga fa'apitoa e tau fa'aitiitia ma fa'ato'afilemuina ai tiga o feagai ma gasegase (palliative care). O lo'o fa'amatalaina e le World Health Organisation le auaunaga fa'apitoa o lo'o ta'ua i luga e fa'apea; 'E le o se auaunaga e tau fa'avavevaveina ai pe tau tolopoina ai le o'o mai o le oti.' Ua talitonu Mary Potter Hospice, o le sini autu lena o lana auaunaga.

O le fesoasoani i le fa'amutaina o le soifua e 'ese lea ma le auaunaga o le tausiga fa'apitoa o lo'o ta'ua i luga. O gasegase o lo'o fuafua ma mafaufauina e fa'aaoga le fesoasoani e fa'amuta ai le soifua, o le a tu'uina atu i latou e le Mary Potter Hospice i le vaega ua ta'ua o le Support and Consultation for End of Life in New Zealand (SCENZ). O le auaunaga aloa'ia lena ua i ai le tomai tau fesoasoani fa'apitoa, mo le fa'amutaina o le soifua.

E fa'aaauu pea le auaunaga masani a Mary Potter Hospice mo gasegase ua filifilia e tu'u atu i latou i le fesoasoani fa'apitoa a le SCENZ. O lona uiga, e maua uma e gasegase ia auaunaga e lua. O le matou auaunaga fa'apitoa (palliative care) ma le fesoasoani a SCENZ mo le fa'amutaina o le soifua, pe 'a latou mana'omia. O se tasi tulaga e tatau ona malamalama i ai i latou o lo'o maua i le fefe i le fesoasoani tau le fa'amutaina o le soifua, e faamanino atu, o Mary Potter Hospice ma lana auaunaga e le o a'afia pe fa'aogaina fo'i lo latou nofoaga tausiga gasegase, e fa'amuta ai soifua.

### **Mafua'aga o lenei mataupu.**

O le Aso 7 Novema 2021 na fa'atagaina ai fa'ale-tulafono i Niu Sila le fesoasoani mo le fa'amutaina o le soifua. O le fesoasoani o le fa'amutaina o le soifua e fa'amalamalamaina fa'apea. O se tasi ua maua i se gasegase tuga ua siliga se toe togafitia ma ua ausia tulaga ua fuafuina, ua agavaa loa sea tagata i lana faitalia, mo le talosagaina o vaila'au mo le faamutaina o lona soifua. Ua folasia e le Tulafono la'asaga e tatau ona mulimulita'ia mo le su'esu'eina po o ua agava'a se tasi mo le fa'amutaina o lona soifua. O le Matagaluega o le Soifua Maloloina e gafa ma le fa'afaoeina o le Tulafono.